



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-112-4/25**
Datum: **24.04.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „SARFA“ d.o.o. Sarajevo za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona za preradu drveta sa pratećim sadržajima, izgrađenim u naselju Srednje, općina Ilijaš, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „SARFA“ d.o.o. Sarajevo, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona za preradu drveta sa pratećim sadržajima, izgrađenim u naselju Srednje, općina Ilijaš, na zemljištu označenom kao k.č. 787/5, 787/6, 785/6, 789/, 787/8, 790/2, 787/9, 784/4, 790/3, 790/11, 787/7, 785/1 i 787/3 K.O. Srednje, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „SARFA“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se kod pranja koriste sredstva koja su prikladna okolinskim zahtjevima.
 - 3.7. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnih objekata obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „SARFA“ d.o.o. Sarajevo, zahtjevom od 07.03.2025. godine, zaprimljenim dana 10.03.2025 godine, se obratilo ovoj Agenciji za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona za preradu drveta sa pratećim sadržajima, izgrađenim u naselju Srednje, općina Ilijaš, na zemljištu označenom kao k.č. 787/5, 787/6, 785/6, 789/, 787/8, 790/2, 787/9, 784/4, 790/3, 790/11, 787/7, 785/1 i 787/3 K.O. Srednje, općina Ilijaš.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 065-0-RegZ-24-010148 od 14.08.2024 godine, izdato od strane Općinskog suda u Sarajevu,
- Ovjerena kopija Uvjerjenja o poreskoj registraciji izdatoj od Porezne uprave Kantonalni ured Sarajevo od 18.12.2023. godine

- Uvjerjenje o registraciji broj 04/1-UPJR/1-1424-2/11 od 06.04.2011.godine, Uprava za indirektno oporezivanje Banja Luka,
- Uplatnica za upravnu taksu u iznosu od 70,00 KM,
- Rješenje o vodnoj dozvoli br. UP-1/21-3-40-517-4/21 od 12.11.2021. godine, izdato od «Agencije za vodno područje rijeke Save» Sarajevo,
- Rješenje o odobrenju za građenje broj: 05/1-23-2636/19 od 23.11.2020. godine izdato od strane Službe za prostorno uređenje i zaštitu okoliša, Općina Ilijaš
- Rješenje o odobrenju za građenje broj: 07-04-22-2100-14/22 od 29.03.2023. godine izdato od strane Ministarstva privrede Kantona Sarajevo prostornog uređenja,
- Rješenje o odobrenju za građenje broj: 05/1-23-2635/19 od 23.11.2020. godine izdato od strane Službe za prostorno uređenje i zaštitu okoliša, Općina Ilijaš,
- Uvjerjenje broj: 05/1-19-2893/23 od 06.12.2023. godine izdato od strane Službe za prostorno uređenje i zaštitu okoliša, Općina Ilijaš
- Mišljenje o okolinskoj dozvoli broj: 05-19-7792/22 od 07.03.2022. godine od strane Federalno Ministarstvo komunalne privrede, infrastrukture, prostornog uređenja, građenja i zaštite okoliša,
- Izvještaji o monitoringu kvaliteta otpadnih voda iz pogona za preradu drveta broj: broj: 2386/24 novembar 2024. godine, urađen od strane „Inspekt-RGH“ d.o.o. Sarajevo,
- Ugovor o zbrinjavanju opasnog otpada broj 97/23-DS zaključen sa „DELTA PETROL“ d.o.o. Kakanj dana 23.01.2023 godine.

B. Tehnička dokumentacija

- Glavni projekat vanjskih instalacija vodovoda i kanalizacije na pogonu za preradu drveta „SARFA“ d.o.o. Sarajevo urađen od strane „ES HYDROTECHNICS“ d.o.o. Sarajevo, januar 2018. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-112-2/25 od 22.04.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta-pogona za preradu drveta, pravnog lica „SARFA“ d.o.o. Sarajevo, nalazi se u naselju Srednje, općina Ilijaš, na zemljištu označenom kao k.č. 787/5, 787/6, 785/6, 789/, 787/8, 790/2, 787/9, 784/4, 790/3, 790/11, 787/7, 785/1 i 787/3 K.O. Srednje, općina Ilijaš.

Predmetni pogon izgrađen je uz vodotoke II kategorije Ljubinu i Raču. Na dijelu predmetne parcele korito vodotoka je regulisano.

Kapacitet proizvodnje 13 000-15 000 m³/god prerađene oblovine.

Predmetni proizvodni pogon se bavi proizvodnjom ogrevnog i potpalnog drveta, briketa, drveta prepakovanog u vreće i drugih kombinacija po želji kupca.

Pravno lice „SARFA“ d.o.o. Sarajevo je posjedovalo Rješenje o vodnoj dozvoli broj: UP-I/25-3-40-517-4/21 od 12.11.2021 godine izdato od ove Agencije sa rokom važenja od tri godine i uslovima koje je bilo u obavezi da izvrši u periodu važenja Rješenja.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja vodom u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Prilikom uviđaja na terenu utvrđeno da podnosilac zahtjeva je završio aktivnosti navedene u uslovima iz Rješenja o vodnoj dozvoli.

Vrši se redovno održavanje i korištenje postojećih objekata i sistema čija je svrha prikupljanje tretman i odvodnja tehnoloških otpadnih voda.

Vrši se redovan monitoring kvaliteta i kvantiteta otpadnih voda od strane ovlaštene laboratorije.

Vrši se zbrinjavanje opasnog otpada od strane ovlaštene firme prema sklopljenom ugovoru.

U krugu pogona locirani su slijedeći objekti: hala za rezanje-pilana, sušara, kotlovnica, prostorije za upravu i radno osoblje, nadstrešnica za skladištenje ogrevnog drveta, prostor za skladištenje repromaterijala (oblovinu), skladište rezane građe, silos za piljevinu sa sistemom za otprašivanje, silos za sječku, crpna stanica sa bazenom, podzemno skladište maziva i dugi prateći sadržaji.

Na mjestu gdje se vrši pretakanje maziva urađena je tankvana i isto je natkriveno a zbrinjavanje otpada iz tankvane vrši se od strane ovlaštene firme.

Na lokaciji se ne vrši pranje trupaca koje se ranije primjenjivalo a umjesto toga vrši se odvajanje kore sa oblovine na specijalnoj mašini.

Oborinske otpadne vode sa krovova i platoa kompleksa se slobodno slijevaju na okolni teren koji ima nagib na donju stranu parcele prema rijeci Ljubini te se betonskom rigolom-kanalom odvode u taložnik-mjerno mjesto E1 a potom ispuštaju u rijeku Ljubinu.

Piljevina i otpad koja nastaje preradom drveta se koriste za vlastite potrebe u kotlovnici i za proizvodnji briketa.

Izveštaji o ispitivanju kvaliteta otpadnih voda sa lokacije pogona za preradu drveta za mjesec novembar 2024. godine urađeni od strane „Inspekt -RGH“ d.o.o. Sarajevo, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u kompleksu za preradu drveta sa pratećim sadržajima, izgrađene u naselju Srednje, općina Ilijaš, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „SARFA“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- "SARFA" d.o.o. Sarajevo, Srednje bb, 71385 Srednje (Prilog: Tehnička dokumentacija pod tačkom B. ovog rješenja)
- ☉ AVP Sava, ISV-vodna knjiga
 - Org.jed. 50
 - Org.jed. 40-arhiva
 - Oglasna tabla AVP Sava Sarajevo